



高太史大全集卷之四

吳郡高啓季迪著
南州徐庸用理編

五言古體

感舊訓宋軍咨見寄

我酒且緩傾聽君放歌行君歌意何苦慷慨陳平生
少為鬪鷄兒鮮裘奮春明走馬出飛彈撇捩誇身輕
氣服諸俠徒不倚父与兄落花錦坊南美人理粧迎
綠雲晚不度樓上鳴瑤箏酒酣迸五木脫帽呼輸贏
及壯家已破狂遊耻無成太白犯紫微三辰晦光精
金鏡偶淪照干戈起紛爭中原未失鹿東海方橫鯨

遂尋鬼谷師。送之學言兵。石室得陰符。龍虎隨權衡。
業成事燕將。遠戍三閩營。岩谷雨雪霏。哀歌常夜鳴。
撫劍起流涕。軍中未知名。竒勲竟難圖。迴臨石頭城。
石頭何壯哉。山盤大江橫。黃旗想王氣。玉樹聞歌聲。
晚登臨滄觀。惻愴懷古情。覽時識禍機。不因憶等羹。
飄然別戎府。震澤還東征。歸來訪鄉閭。亂餘掩蓬荆。
舊宅人已改。荒池泉尚清。瘦妻倚寒機。正嘆伊威盈。
送茲謝行役。閑園事躬畊。瀨求薦辟書。傲然揖公卿。
衰蕙弔蟋蟀。柔桑喚鷓鴣。閉門郎屢變。吐覬空潛驚。
昔同徒步人。十年擁麾旌。鴻毛獨未順。蹭蹬違霄程。
知音竟為誰。四海嗟惇惇。齊等不解奏。楚璞何由呈。

顧余雖腐儒。當年亦崢嶸。小將說諸侯。捧槃定從盟。
大欲千萬乘。獻策登蓬瀛。洪瀾阻川途。浮雲蔽天京。
終焉困澤畔。日暮吟離蘅。賤貧此時居。復与喪乱并。
何殊九月中。嚴霜折枯莖。頗聞君子心。道窮貴益貞。
已志未獲施。安用軒裳榮。今晨喜逢君。有壺對前楹。
夙日初澹沲。櫻桃作繁英。適意不一醉。肩。徒悲繁
達人若相遇。大笑絕冠纓。

蕭鍊師鷹窠絕頂丹房

人間不可住。混濁同腐腥。一落三十年。塵夢無由醒。
稍聞方士說。恍惚通仙靈。素門与偓佺。相期餌芝苓。
自顧負病鶴。秋風墮踈翎。碧海不得渡。烟霧愁冥冥。

師從天姥來身佩豁落經不邀五利寵深栖鍊神形
東觀鷹窠峰中天挿孤青其下吐浴日其高望飛星
昔有學道侶并曰遺岩爲羨茲絕俗地遂爾留軒輶
太鼎生紫烟丹成衛天丁金骨坐可蛻騎龍駕風霆
積水浮方壺東望類點萍紫臺白玉榜中有真人庭
飛遊願泛師往讀新宮銘

隨月圖

空齋無短檠愁度新涼夜青天素娥出餘輝獨堪借
連曙願徘徊莫逐秋河下

映雪圖

簷雪不能掃留映寒牕白書字細如蠅坐看還歷々

華燈照歌悵詎似南隣客

顧榮廟

晉侍中顧彥先祠廢縣令周君復之賦此
軍司吳國秀機神夙超朗弱冠遊洛師已蒙南金賞
崎嶇諸王幕沉酒務遵養中罹廣陵艱計服匪誠枉
風雲一揮扇義旅臻同轡事成耻言勲飄然理扁軼
晉社始東遷群賢悉收獎道謁真感會矯翼丹霄上
德聞一代稱跡泯千齡往時屯之良佐英謨益堪想
墳祠托荒郊蕭然並榛莽童侵雨隧淫巫闖塵幌
大夫過停轅式瞻爲舍愴衣冠復故貌迨几陳新享
寡劣忝鄉人因歌表遐仰

秋懷十首

少時志氣壯不識秋氣悲呼鷹射鳴鴈深鷺東山陂
中年漸多懷惻惻當此時登高望原陸不見車馬馳
思我平生惟高墳鬱纍纍世人非羨門誰能久華滋
惟有盈觴酒可以持自怡

又

明月出遠林流輝照牀幃促促草下虫催我索故衣
起嘆秋夜長欲取鳴琴揮掩抑不成弄中心復乖違
有懷難自宣勿謂知音稀

又

寒荷已老采蘭亦摧無由翫芳物暢望江之隈

木落山更空猿聲有餘哀所思去我遠佳期邈悠哉
被垢尚可澣沫濛猶難開我愁亦可念當秋鬱難裁
棄置勿嘆息多愁損顏衰

又

志士憂歲晚羈人感秋早騷々鬢絲垂索々枯葉搞
誰言衆方歇時菊正鮮好日暮食其英聊開我懷抱
貧賤難久居欲去恐違道時命恐未通徜徉以終老

又

秋風夜颺々秋色日瀟灑觀人亦心驚况乃居愁者
塊處廠空宇命駕聊適野征鴻莫相呼牛羊亦同下
我居久離君憂襟向誰寫

又
涼風動幽慢高堂夜空虛
明灯無与語聊讀古人書
古人亦何人使我不得如
棄卷輟還卧終宵自歛歔

又
出入我戶落葉覆我井
何無四方志恋此一室靜
途欲晨征畏踐霜露冷
濁醪幸方熟夕飲燭可炳
勿憂去日多但願來日永
不知苦驅馳孰苦長醪酎

又
弱齡弄篇翰出門結羣賢
俛仰幾何時已有好新年
歡悟雖常逢憂患亦屢牽
世故馳人老髮鬢能久玄
沉思復何為省我既往愆
問道行已飲中途曷歸旋

又
朝遊荒岡陞莫行空潭側
我非楚大夫何有憔悴色
良辰思遠聘周道廣且直
我馬力不前回駕仰偃息
踟躕阻脩竹日夕睇西北
苟安非予志所懼時未識

又
弭棹望江埃日落青楓林
驚波駛且廣蕩漾浮雲陰
靡々臯蘭衰噫々渚鴻吟
顧此凜節謝憂來忽傷心
宋子悲已多潘生歎弥深
自古有此愁誰云獨吾今

澹室為吳君賦

素士脫紈綺澹然怡道心
窮廬車馬絕寒鳥下庭陰
酒外寡真趣琴中多吉音
閉門三日卧風雪滿城深

空明道人詩

我聞赤城東仙嶠名委羽炆霞閉深洞絕壁飛玉鼠
空明中有天日月照瓊宇昔人鍊丹成自駕黃鶴舉
陳翁夙慕道棲此求真侶玄文夜長披靈藥朝每茹
石室人不來閑眠青蘿雨于今定非死飛遊去何許
海上幾秋風誰傳令威語

九日無酒步至西汀閑眺

高天無游氛秋氣自激肅離居時節變霜降未授服
蕭條野田間晨步聊遠矚悠々寒川駛靡々晴巒矗
菊叢有清香木葉無故綠親朋去我遠登高且連躅
孤懷誰知音惆悵臨水曲名酒不可尋歸來掩茅屋

題倪雲林所畫義興山水圖

嘗歆陽羨茗不遊陽羨山銅官結秀色都在畫圖間
樊川醉遊處水榭依沙樹雲入縣城來溪流太湖去
我愛雲林生高歌無俗情石庭梅欲發須放酒缸行

錢孝子廬墓錢吳越忠孝王之後也

颯々黃竹嶺蕭々白楊村行人亦悲哀何況父母恩
不忍返華屋結廬傍孤墳啼猿應哭聲日暮空山昏
無隣与誰語獨宿傷精神仰聞松柏吟俛見狐兔奔
淚洒墓前草當春死芳根至性有如斯不愧忠孝門

送蜀山人歸吳興兼簡青山靜者

南浦無碧草征鴻晨稍飛何當杪秋節臨水送將歸

既來不能淹君心應好違惻、袂始判遙、帆已微
天高桂樹落人在山中稀還尋同祀者更製薜蘿衣
幼文約余與止仲同宿士明鶴瓢山房為試
茶之會余既入郭而幼文已歸山中士明亦
往海上止仲復以事不赴士明姪元脩留余
夜話因賦是詩以書耿々

道人出未歸高士來復去試茗失幽期寒齋成獨住
水生洗藥池風動懸瓢樹賴有何感賢玄談到天曙

晚憩靈鷲院池上

微雨過祇樹寺齋涼已多臨流一就盥搖動滿池荷
風後扇力薄煙中爐氣和暫非許元度吟卧每來過

贈談鬼谷子

我聞鬼谷子乃是古仙真避世青谿中不污戰國塵
著書十三章當年授儀秦二子不善用竟皆殺其身
瞽師得異傳相去逾千春不為從衡說談數妙入神
往年客南都逢門集朱輪下簾論玄理驚動金陵人
歸來隱虞山繞廬樹松筠誰言目無覩內照靈光新
緬思大化根生此下土民起滅千萬途孰能究其因
或愚聘結駟或賢被懸鶉命也可奈何天道誰踈親
世事昧守常毋使徒紛綸

贈惠山醫僧東山

九峯聚錫麓一水回梁溪之子脩事業長年此幽棲

曲彈白雪妙詩吟碧雲低况有醫龍方丹成重刀圭
採藥夜歸院蘿月照澗西扁舟欲相訪愁作武陵迷
媽雖太史自海上入郭因得追游以叙舊好
今日風雨偶開晤言樓居早寒懷人猶甚想
孤寓僧林同此岑寂也賦是以寄瞻恋之意
良人曠清晤窮年秉離憂條來自海壖諧我心所求
不殊雲中鴈和鳴得其傳宴閣既連席行塘復同舟
坐聆金玉篇鄙拙何以酬風雨戒茲旦居然阻從遊
祇園念孤寓微瘵苦未瘳落葉聲早寒誰當慰淹留
朋來不我館願已良有由徒茲睇停雲夕倚城南樓
在遠分難親居近彌使愁信彼詩中言一日如三龜

送徐七山人往蜀山書舍

結客抱狂志傾身通俠交東將觀渤海西欲踰函嶠
奔蹄脫驚轡墮翻連飛鏡酒具載車出兵法篝燈鈔
從軍顛奮立學儒恥譏嘲寧期憂事集頓使芳年拋
塵衣曉城陌雪帽寒江郊客堂感蟋蟀婦室悲蠨蛸
自咲失水鮒空慚得雲蛟獲君乃瑚璉碩我猶斗筭
高懷矯袞薄雅音變哇咬談詩辨六義讀易窮諸爻
情親豈殊意氣合真同胞因依像輪輻暢和諧填匏
妓席夜留宴僧扉晝携敲循花縱步屨暎柳持鳴鞘
塘行月灩林卧風梢要渺送謳唱瀾翻雜詠啁
七滑炊野飯盤香薦山肴遭時雖齟齬處倍不混淆

曩游既相挈茲離竟誰教浮湖理去榜祖道移中庖
遐方未罷戍近日猶被抄鹿驚互奔併扇鬪仍咆哮
荒墟少砧杵遠壘多笳鏡問往何土里吞云此巖整
人安地有阻歲稔田無境牛羊可放牧鵝鴨供燂炮
湍長磔磔激石古窪搏切樵斤聽伐木獵火看除茆
雨紅爛秋實露紫舒夏苞溪晴鷹拍、村曙鷄膠、
書聲隱篁竹權響穿蒲茨聊將耦沮溺誰敢儕夷集
末事誠瑣、大言匪喙、世險路生萍各浮浪吹泡
稊鉏擬共把干戚行俱包社舖飲烹狗臍祀歌迎猫
慎勿厭寂寞長當謝紛曉

會宿城西客樓送王太史

君來歡不足君去憂何遽共聽楓橋鐘留連恐將曙
蛩鳴故苑草鳥起高城樹明日獨登樓歸帆渺何處

題林居圖兼簡盧公武

竹梧翳苔石知是幽人居林間鳥鳴後亭空賓散餘
聞有盧鴻愛長年留著書

出郊抵東屯五首

故鄉一區田自我先人遺賴此容我懶不畊坐待炊
霜露被寒野屬當斂穫時言來微薄入稅駕宿東陂
今年雖未豐亦是療我飢萬鍾知難稱保此復何辭

又

朔、鷄登場秋稼稍狼藉踈榆蔭門巷旦暗煙火夕

田家雖作苦於土寡憂戚况當收穫景斗酒復可適
所以沮溺徒躬耕不辭劇

又

我本東臯氓偶來住州城茲來卧農舍頓愜田野情
如魚及故淵悠然樂其生臨去謝主媪重來自黎羹
我非催租吏叩門勿相驚

又

朝服久已解儼然山澤臞欬狎林野人相歡混賢愚
朝來此水濱高歌步踟躕忽逢一田父舍畔拜路隅
疑我是長官怪我體貌殊我已忘所有彼我未忘歟
不能使爭席心悅衡寇徒

又

坐久體不適卷書出柴關臨流偶西望正見秦餘山
野淨寒木疎川長暝禽還此中忽有得怡然散襟顏
遂同樵牧歸歌笑落日間

馮山書舍圖為黃君伯淵賦

伯鷲驚春地井曰有遺跡之子學幽棲託踪在林石
清風竹林晚片月蘿迳久遙想一齋空圖書滿床積

詠三良

殉莖古所禁秦國固戎風穆公臨棄朝要此三臣從
三臣百夫良不與親暱同一旦使俱斃無人國將空
捐生豈不難忠義感素衷長恐先朝露無由奉君終

遺命稟在耳焉能惜微躬但懼享主孤誰當共成功
高墳荆棘間玄雲閉幽宮杜臯同此歸冥冥路可通
國人痛莫贖洒淚呼彼穹傷哉黃鳥詩流哀竟無窮

詠荆軻

劫盟非義舉曹沫已可羞燕丹一何愚區區祖遺謀
千金養荆卿誓將報強讎奉圖使入關心知絕回軻
賓客盡白衣相送易水頭酒酣涕難落筑聲和悲謳
猛氣激蒼旻長虹為西流行造秦庭陞戟衛甚周
臨機失始苗利鋒竟虛投豪主一按劍杜稷倏已丘
先王禮樂生破齊震諸侯苟能得此賢伯業猶可修
胡為任輕易自趣亡滅憂徒令後世人歎惋餘千秋

魏使君見示口中忠肅公舊贈詩因賦

公昔隱江夏岩棲避丘八革遠挹戴林寫清風洒泉石
有時歌梁甫慷慨人未識左丞中朝老伏節任方伯
北還駐嚴程造廬商筭策知非山澤儒期是廊廡客
磯石繫官舫猿叫月初夕秉燭題贈詩蒲圻掩孤驛
欣得賢喜耿憂國戚短章寄深情相接重珪璧
迹來復幾年淪落已陳迹公起佐興運身名正輝赫
待講肅丹闈專城森畫戟緬懷舊知己永嘆泉壤隔
難縣延陵劍空聽山陽笛遺篇篋中藏每誦如再覲
真能重友道未易薄心易一言不忍忘况乃膺寵錫
小大固可知令人義氣激

題秋林高士齋

二仲有玄賞相携在中林遐景延迥步微言諧素襟
天秋谷響哀日暝川光陰風駛多委葉山空少歸禽
威蓬臨長岡迢遞指遠岑諒非羈離客詎用愁登臨
春草軒雨中懷王太史

西軒罷琴坐涼思欺白苧岫：樹声然秋風滿池雨
連衰少暗馥禽靜多幽語對此闕良儔當懽反傷緒

始遷西齋

乍縣南樓榻始布西齋造西齋非吾廬幽淨亦可憐
風牖竹裊：露庭菊解：畜史左右陳永日坐一檀
婉婁數童子哦誦當我前為爾竟安：位回欲窮年

讀書將何為乃與始志愆進無適時材退乏負郭田
我生非瓠瓜謀食有道焉苟得隨羣趨顧此不稻賢
飲餘解衣卧毋朝腹便：

次徐山人與倪雲林贈荅詩韻

昔遊紫藤塢空山鶴鳴秋相望隱人居興闌竟回舟
迺來獲晤賞玄談劇風流每欲開南軒招我共偃休
天寒鴻雁鳴芰荷落長洲豈無一釣舡訪子溪水頭
終漸文墨牽只尺成阻脩聽雨掩閣卧觀泉上岩遊
朝覓贈荅篇詞藻跨兩優我本丘壑人猿鶴肯見留
擬結歲宴期壺觴展綢繆况聆西澗濱禪宮闕清幽
夜看太湖月遲我同登樓

因病不飲

我昔所無求但愁酒盃空引滿先四座醉豪壓春風
年來病稍侵積憂復相攻舉觴不能吞若有物梗曾
歲宴風雨夕擁爐坐窓中酒徒散去盡歡呼與誰同
三杯即頽然惟頽映燈紅後老當奈何即今已如翁
斯味禹所惡攝生咲無功從此便可止賦詩繼陶公

三鳥

三鳥生異林相逢偶同飛各矜好毛羽吟弄朝陽輝
驚風動地至羣分各乖違一翔入雲天一落陷虞機
一止野田間蓬蒿鬱鬱相依啄々有餘粟歲宴諒不飢
猶懼雪霜侵啜嗽獨白而悲我行見此鳥相對盡歎歎
當知皇天仁偏恤爾陋微視陷宜省畏瞻高勿貪希
田間適本性舍此欲何歸

題陳生畫

前村夕陽明後嶺秋嵐積葉落露山村潮來沒江石
遙々射鴈子慘々聽猿客何事下征帆西陵渡頭驛

青丘道中

霖雨江暴溢奔流絕津涯茫茫野田白何由見春華
居人久已亡流華滿其家昔我過此土極目桑与麻
故道不可尋舟行但薰葭歲凶豈宜客四顧空長嗟

送李用和提舉

髯君孤直士與妾頗異儔不交金張家而獨與我遊

我居在君里衡門閉深幽十年誦詩書進取拙自謀
名藩多英豪光彩溢道周朝逢將軍車暮避刺史騶
皆云意氣盛官高富春秋良衣競為樂廣席羅珍羞
君獨日暮歸貧乃與我侔雪畦寒蔬菜冰盎春蛆浮
高堂可燃燭談咏相賡酬中間阻清歡離別良有由
我尋江干宅君赴海上州老馬泛瘦童人皆識賢侯
今年見歸旌一咲忘積憂那知遠方賈復此待撫柔
鷄鳴城東門不得送去舟颶風常晝驚洪濤極天流
雖能征重貨可失咨嘉猷君子且左傍願言毋久留

贈銅臺李壯士

我祖昔都鄴神武為世雄至今三臺下子弟習其風

問君家何方紫陌遥相通雖云此相遇情與鄉里同
君有力振兩勇氣聞山東匹馬輕俠遊刀環綴纓紅
正當兵塵起思立方寸功不從董健兒欲縛蕭老公
凌厲越宋土逶迤出齊中時人不相顧棄之若秋蓬
我豈白面郎少年亦困窮起為壯士歌迅商薄高穹
初飲五斗盡再飲一石空與君豈樂裊西方見妖虹
莫謂着鞭晚艱難殊未終

題春江送別畚送王使君

歌徹小秦王愁深第幾觴飛花蕩春影江水不勝長
日暮東風急離帆且緩張

蘭室為袁省郎賦

相臯春水深澧浦秋風早如何庭戶間芳蕤獨妍好
不有君子心憔悴同芳草

我愁

我愁何從來秋至忽見之欲言竟難名泯然聊自知
汲、豈畏長樓、詎嗟卑既非貧士嘆寧是遷客悲
謂在念歸日故鄉未曾離謂當送別處親愛元無睽
初將比蔓草夕露不可萎又將比烟霧秋風未能披
藹然心目間來速去苦遲借問有此愁于今幾何時
昔宅西澗濱尚樂山水奇茲還東園中重歎草木衰
閑居誰我顧惟有愁相隨世人多自歡遊宴方未疲
而我獨懷此徘徊自何為

賦得法華雨送惠上人歸江上

慈雲起靈山虛空寶花雨遙從天女手零亂飄春曙
香滋淨沼蓮影拂祇園樹高僧結習銷衣上留不住
唯隨一葦風飛渡江南去

秋風

秋風屋外來落葉紛我傍不出門幾日我樹如此黃
但覺成嬾性焉知逝顏光朝食止一盂夕卧惟一床
仲尼欲行道轍迹環四方而我何為者不與世相忘

秋雨

秋雨亂我竹堂上中夜驚昏、起復卧策、止且鳴
未、醉夢狀寧辨竹雨声初欣自張樂終懼如聞兵

既覺兩皆非古槩
耿自明悟彼事亦然
胡為勞我生
題曹氏春江雲舍

遙波靄微雲禽寒少相語
君家在空閣欲往迷洲渚
紛紛樹離霧稍稍花消雨
日暮坐相思江東渺何許

燕客次蔡參軍韻

林且未昇旭岩深稍祛霏
夙興達仙曙在公違告腓
良儔信可懷弼月曠容微偶
茲鮮華轡沽酒酬芳卮
鈴騎嚴衛齋妓樂出房帷
放吏命決漏留賓教闔扉
談笑竹下塵賭墅花間棋
歡磬展宿好言長蠲積思
佳辰子所惜高誼子攸希
時難騰睽阻能此差為誰
願各保大和長年樂施施
飛佩倘可接東方候安期

退思齋為蔡參軍賦

鷄鳴起趨府事至紛善惑
應茲苟弗推在理寧免忒
歸來坐深念恒恐有慚德
缺政何以裨厚責何以塞
豈徒省厥躬庶用匡爾國
昔聞獨樂叟中夜忘寢息
願君守勿渝明之此遺則

遊師子林次倪雲林韻

吟策頻入院道人知我剛
尋幽到深處鳥語竹班班
林下不逢客城中俄見山
床敷有餘地鍾動莫催還

尹明府所藏徐熙嘉蔬圖

少賤習圃事種蔬每盈疇
深根閱玄冬老葉凌素秋
採擷風露餘山庖足嘉羞
故園經亂後蔓草日已稠

野水流畦間虫聲暮啁啾披盾似見之惻愴起我愁
食肉豈無人斯世誰與謀君多恤民意毋忽歲儲憂

來鴻軒

高鴻本冥飛不墮虞羅裏朝度雲中閑夕遊瀟湘水
驚風吹行斷儔侶忽萬里哀鳴將何依荒澤難獨止
集君華池側梁稻豐自羨響度風脩影沉波潞
充庖知不忍善惠念終始願君儻天朝脩翰共騫起

蘿徑

幽溪入蘿萬幾曲到岩扉夏鳥深啼處陰花墜稀
知當烟暝後從此荷樵歸

茶軒

摘芳詠新泉手滌林下器一榻髮絲傍輕烟散遙吹
不用醒吟竟幽人自無睡

讀書

物寡所嗜雅情竹素間憑按理殘帙樂此終日閑
受觀自周衰盛治不可還淫辨相誇傾大道成榛管
巧詐足眩竝苟得不顧患羸秦任商君王制欲盡刪
厚賦山澤空壘戰原野殘派風自斯降誅求困孤孱
是非千萬途欲辨亦已艱賴茲聖冊存足啓昏與頑
誰云古哲駕邈矣難仰攀於焉誦其言如造揖讓班
寄語向俗子幸勿中我閤何礙從尔談方對孔與顏

過立公房

空院閉深竹幽花有孤妍春深鳥語寂風聲時冷然
非茲絕塵地何以寄高禪

與諸公飲綠茗園

金塘環勝墅緹騎會芳時雀乳依桐葉魚翻罾芟絲
詩流洛下咏歌豔郢中詞一念交歡厚鶴至詎能辭

孤鶴篇

涼風吹廣澤日暮多浮埃中有失侶鶴孤鳴迥且哀
俯翮既摧殘一飛四徘徊矯首望靈嶠雲路何遼哉
渚田有遺粟欲下羣鴻猜豈不懷苦飢懼彼羅網災
翻々浮丘伯朝從東海來相呼与之歸謂是仙驥材
陰之長林下濯之清澗隈圓吭發高唳華月中宵開

折言從凌玄景永戲崑丘臺

雜詩

結髮好遠遊出門覽山川誰云帝閔遠有路不在天
我車大且遲日暮牛領穿忽逢悲歌士論心涕潸然
今日不得志明日非少年

白水冒我田

白水冒我田風雨無休時午鳩屋上鳴貧家起何遲
溝壑知不免順受胡可辭有酒我自斟有粟妻自炊
且盡今日歡勿顧明日非商歌出金石愧無聖人師

送韓司馬

淮陰將家子讀書負奇氣十年役一筭身後李都尉

此行把旌麾無愧國士知邊風吹白草正是馬驕時
鳴笳引前部落日城西路上客贈吳鉞征人唱都護
近役非臨洮君行莫辭勞欲問封侯日秋來太白高

醉贈王鄉

持身無可許閭里任浮沉不奉諸侯檄曾辭公子金
斗酒豈辭醉感君知我深誰無旦暮急相周惟李心

送賈二文學

窮年自多感况復送良儔落日河上別慷慨發秦謳
風塵阻關山撫劍不得遊願逐高飛翼相與出九州
嗟彼行路子棲兮何所求

送海昌守李使君迂海虞

兩為海上州之民定何如彼遮使君馬此迎使君車
但令人買牛不足客饋魚我知使君賢讀律又讀書

端居懷兩王孝廉

寡劣時所棄獨卧無與親蕭然閉齋閣左右畜史陳
風雨摧衆芳令人怨徂春豈無尊中酒坐念兩故人
日從賢豪遊雜還車馬塵馬知離居客積抱難自伸
送芭上人東歸

浮雲與飛鳥相聚安可常偶來雲岩寺幾日共徜徉
我去師亦歸澗房欲荒涼地卧孤塔影庭棲双桂香
重遇應未期悵然山水長

大水

吾鄉水為國自惜稱漏天今年尤苦霖冒此上下田
老農愁相告無有二十年東江入門流比屋如敗舡
夜卧床屢移晨炊釜常懸涼風吹蒲稗群鷺鳴我前
茫々失川途出行竟回遭斯民欲昏墊天意豈不憐
陰陽致乖沴孰能究其然歲飢尚勿憂龜勉當食鮮
送黃主簿之歸安

我歌柳惲詩送子南汀發山城逢社雨綠樹啼鶯歇
留連孤艇遲泊悵双壺竭高士尚為簿休慚府中謁
無事坐閑廳彈琴看明月

送王推官赴譙陽

久治亂所伏國家失其防初如决洪流拱手徧四方
頻年勞許謨欲補千百瘡子為京師客忠憤何慨慷
濯冠捧書函平明獻朝堂上言固大業下言振頽綱
且為有万死聖明察臣狂臣言倘獲施立能致時康
宸居豈遙遠只尺天中央雞鳴列仙仗九門洞開張
謂宜即召見拜起隨班行上殿笏畫地論奏盡敷詳
如何竟報聞不得瞻清光一官非所願欲令赴蠻荒
徘徊出都門風雨温曉裝行々過吳洲木葉秋始黃
逢子解鞍飲激烈椎酒林平生憂時心辛苦不自忘
頗聞到官所此去路尚長紅日出霧遲孤城海茫茫
遺民似猿鹿山谷多驚歲繁英艷躑躅瑣實推櫛櫛
瘴厲况時作投老恐子傷何不且少留共獲豪華鄉

子笑不我顧翩然決南翔明朝指鯨波高帆若雲揚
去矣各異國有憶徒相望

高太史大全集卷之五

吳郡高啓季迪著
南州徐庸用理編

五言古詩

吳王郊臺

周網昔隳頓禮樂由諸侯吳子之代德居然祀園丘
燔燎升紫壇青紘映玄裘靈明豈未歆幣玉空旅羞
國南見遺壘蕭條委山陬雲和罷九奏草樹鳴颼颼
後來跋扈徒幾人效其尤魯郊失禮始聖筆書春秋

長洲苑

中國久無伯闔閭思聘功講蒐開別苑訓武出離宮

宰詬應然乘巫臣宴御戎鼓鳴深谷應宜掩廣場空
遠曳捎雲旆高弯射月弓三驅儀已畢七伐步還同
甲騎從輿後蛾眉侍幄中煮胎須紫豹脯掌得玄熊
樂事方難極英圖忽易窮城迷歌黍客地屬采芟童
輦道崩秋雨旗門失晚風犬亡鏡肆狡人去雉爭雄
草樹迎蕭索湖山罷鬱葱猶疑見獵火寒燒夜深紅

角里村

高皇本壯士提劍定四方晚為兒女情悲歌起彷徨
愛子欲建儲寵姬方侍側顧驚四老人謂已成羽翼
大臣豈不諫孰能幹天機彼翁何為者足見人心歸
始潛避秦君終出安漢嗣去羅馬能羈舒卷聊自肆

我未角里村如入商顏山紫芝日已老黃鵠何時還
斯人神仙徒千載形不滅猶想蒼岩中白頭卧松雪

死亭灣

負賤衆所棄豈惟愚婦人珪組何重輕能令變交親
翁子昔未逢妻去恥負薪五十非晚貴不能待終晨
一旦謁帝閣還家繡衣新邸吏驚赤緩邦人候朱輪
無頌見故夫自殺此水濱誰知孟德耀元在爾東隣

毛公壇

欲觀漢壇符東上縹緲峰葛花墜寒露夕飲清心曾
月出太湖水鶴鳴空澗松真境久寂寥蒼苔闕靈縱
嘗聞綠毛叟變化猶神龍世人豈得見偶許樵夫逢

攀險力易疲探玄志難後歸出白雲外空聞仙觀鍾

稚兒塔

黃土但埋骨豈能埋性靈昔聞宿草間曾吐蓮花青
身卧長夜臺口誦西方經尋跡殊宵々聞聲每冷々
寒燈照空塔時有山僧聽應使隣冢魂沉迷盡皆醒

三賢堂

吾邦古名藩出守皆時賢有唐三使君風流最能傳
韋公既前蹈劉白乃後連政成屬時康民瘵各已痊
良辰極游會消搖若神仙畫戟衛高館彩舟漾平川
晨移閒齋檜夕賞華池蓮逸韻邁群流豈將文墨牽
至今郡中人猶想布治年時事屢變易遺祠委榛烟

湖山少清氣草木空餘妍嗟我生苦遲無由廁賓筵
殷勤展夙慕載詠西樓篇

干將墓

干將善鑄劍成終殺身吳伯亦遂亡神物豈不神
始知服諸侯威武不及仁徒勞冶金鉄精光動星辰
莫邪應同埋荒草千古春青蛇冢間出猶欲恐耕人

吳桓王墓

朝出南郭門高墳鬱蒼々借問葬者誰乃是長沙王
黃腸豈不錮盜發取所藏金環出世間封樹無暉光
緬想衰炎際當塗逞奸強英雄失所據虎視誰敢當
王初奮穉孤英風凜飛霜談咲定江東賢豪歎耒耜

少假須臾年足見伯道昌胡為困仇奴輕獵不自防
天意豈佑魏遽使斯人亡日觀感往事喟焉令人傷

虎丘次清遠道士詩韵

神仙不可羈乘螭躡雲漢豈將避羸劉荒山事窮窟
何年東觀海一至此峯翫悠悠清詩傳宵遺跡漫
我未繼登臨長嘯憤初岸既秋烟蘿踈欲雨風竹乱
夜深空潭黑月吐石壁半龍驚汲僧来鳥喜游客散
閣掩林下夕鍾鳴岩中且睽賞誰能窮今古付篇翰
飛騰子何之汨沒余可歎安得契真期超然獲靈贊

天平山

入山旭光迎出山月明送十里松杉風吹醒塵土夢

兹山凡幾到題字遍岩洞陽崖樹冬榮陰谷泉夏凍
怪石立誰扶靈草生豈種白雲翳然来諸峯欲浮動
高鶻有危棲幽禽無俗哢凌薛知履滑披嵐覺裘重
嘗登最上顛遠見湖影空漁樵度溪孤鳥雀歸村衆
還尋老僧居隔竹聽清誦憫我躋攀勞為設茶筍供
幾年歷憂歡造物若柳弄迷途遠山林遲暮堪自訟
難追謝公遊空發阮生勸身今解組綬明時愧無用
閑持九節筇尋訪事狂縱石屋秋可眠山猿許分共
讀書所為錫山朱隱君子敬賦

高士寡所嗜雅情竹素間北牕夏陰敷散帙欣燕閑
流觀古始末治忽儼未刪重華去已遠鳴鳳何時還

微言雖能尋往躅那可攀當感既拊懷遇得亦解顏
詠歌南風前至樂孰與班方爾對聖賢俗子毋扣關

丁山人清越軒

夏雨濯高綠氤氳冒茲軒微涼洒林表沉色泛溪源
羨子耽獨賞慙子嬰衆喧披襟一蕭散憶在郭西園

西齋池上芙蓉

池荷已衰颯孤艷仍獨在滄洲遠夢違風露妍姿改
窈窕徒自媚寂寞還誰待此地托根徧非無美人採

贈張主簿

離々平阜禾纂々橫林棗客行愛樂土秋晚華亭道
停燭春紡遲鳴榜潭魚早借問何能然年來縣官好

客有不樂者

客有不樂者默坐空堂幽明灯照孤影對酒不能酬
風雨忽夜至單衣颯驚秋葉墮已憺々蛩鳴尚悠々
於當屬有念苦願君聲收讀書仰千古命駕志九州
孰云吾多智有已不解謀冥飛既難攀苟得亦可羞
守道固寂寞々諒誰尤

送張文學之雋李

回川帶綠樹窈窕有鳴禽江郭去非遠傷離空滿襟
林中古殿靜池上高齋陰應想彈琴士杏花春雨深

贈群上人

湖雨洗秋碧西南見諸峯中有楞伽僧迥閱超在踪

高風搖飛泉落日帶遠松欲往已知處烟蘿鳴飯鍾
送李別駕赴越

常別豈不感此別尤可嗟一別一去遠魂斷秋無涯
我何恨別君，猶別其家霜露滿故園不待菊有花
越禽啼楓林路盡秋日斜到郡且足樂聞有山水嘉

龍門

龍門何崢嶸此地表竒蹟山分兩崖青天豁一罅白
知非禹功鑿想是鬼手劈長為風雨閉開闔自朝夕
深合未吐雲對峙不崩石日光寒易傾苔色陰更積
只疑過此內便與人境隔始窺己幽深漸入尤險窄
暗中把危藤蜿蜒欲驚魄僧留看古刻敲火照絕壁

晚聞松竹號洶若波浪激不知神魚飛到此誰點額
我嘗謁真龍天門謬通籍何必更區區求為李鷹客

太湖

長溪如白虹分走荆雲派具區納群流襟帶三郡界
太虛混鴻濛元氣流沆瀣初疑瀆渤寬稍覺雲夢隘
茫，鷹飛遲颭，帆度快雨來鼉報鳴風起鷗驚邁
神龍作淵都豈復數鱗介珠光照水府不受白日晒
朝看砲車雲，浪動澎湃聲吹地將浮勢擊山欲壞
黃頭雖輕生拔扈不敢懈有時湛明鏡峰吐青幾塊
煙中樹若莎波上舟如芥漁就沙岬炊客來水祠拜
震澤思禹功夫林記吳敗白魚逢夏出黃柑待秋賣

我性好游觀夙負雲水債欲尋鷗夷舸不顧涉險戎
人生亦何為在故自拘械萬事夙飄花百年露垂齷
何當叩林屋秉炬訪僊怪試探不死方為人起痼瘵

天池

靈峯可度難昔聞枕中書天池在其巔每出青芙蓉
湛如玉女盆雲影含夕虛人靜時飲鹿水寒不生魚
我來屬始春石壁煙霞舒濫灩月出後冷々雪銷餘
再汎知神清一酌欣慮除何當逐流花遂造僊人居

劍池

平將欲飛出岩石裂蒼礦中間得深泉探測費脩綆
一穴海通源雙崖樹交影山中多居僧終歲不飲井

殺氣凜猶在棲禽夜頻警月來照潭空雲起噓壁冷
蒼龍已何去遺我清絕境聽轉轆轤聲時來試幽茗

練瀆

吳越水為國行師利舟戰夫差開此河餘艍試親練
十萬凌潮兇材比飲飛健鼓棹激風濤揚舠逐雷電
當時意氣盛謂已無勾踐鷗避去沙洲龍愁閉淵殿
恃強非伯岳倏忽市朝變臺上失嬌姿泉間掩慚面
至今西山月恨浸秋一片猶有網魚人時々得沉箭

明月灣

木葉秋乍脫霜鴻夜猶飛扁舟弄明月遠渡青山磯
明月處々有此處月偏好天闊星漢低波寒菱荷老

舟去月始出舟迴月將沉莫照種々髮但照耿々心
把酒酌水僊容我宿湖裏醉後失清輝西岩曉猿起

越來溪

溪上山不改溪邊臺已傾越兵來處路流水尚哀聲
昨日荷花生今朝菱葉死亡國不知誰空令怨溪水

採蓮汪

青房戢多子採得儂心喜今夜水風涼君王宿船裏
行處綠雲迷歌聲一道齊回頭調越女何似若耶溪

顧辟疆園

江左風流遠園中池館平賓客久寂寞狐兔自縱橫
秋草猶故綠春花非昔榮市朝亦屢改高臺態不傾

松江亭

泊舟登危亭江風墮輕憤空明入遠眺天水如不隔
日落震澤浦潮來松陵驛綿々洲渚平莽々葭菼積
凭欄不敢唾下有龍窟宅帆歸雲外秋鳥下烟中文
欲炊菰米飯待月出海白喚起弄珠君閑吹第三笛

南峯寺

樵歸衆山昏天峯尚餘景欲投石門宿更度西南嶺
遠聞雲間鍾蘿逕入寺水懸燈照靜室一禮支公影
鳥鳴澗壑空泉響窓戶冷對此問山僧何如沃州境

楞伽寺

夕陽下西嶂返照東湖水來尋古寺游楓葉秋幾里

叩門山嶺驚維馬林鳥起鍾聲出烟去半落漁舟裏
楞伽義未曉塵累方自耻欲打塔銘碑從僧乞山紙

慧聚寺

鳴鐘警迷方枯僧兀跌床石姿生寒稜松子落古香
殿鎖山雨氣樓迎海暎光遙望蒼々城愁是車馬場

寒泉

遠結梵峰間平流盤石上月照欲成潭風吹不生浪
聲寒葉下色映秋苔漲野客照羸顏曾來倚筇杖

乘鯉橋

橋上西遊人橋下東流水游人如水流朝暮何時已
誰知有飛仙赤脚踏神鯉波驚風蕭々渡海秋萬里

左招騎龍君右携乘鸞子咲食紫雲英同詠珠宮裏
歸來舊城郭千載一日雨下看橋上人還隨鷄鳴起
去者已如灰來者猶似螳不解養谷神紛紛自生死

支遁菴

閒登待月嶺遠扣棲雲関石室閉千載高僧猶未還
殘燈黃葉下古座青苔間不見跏趺影鶴鳴空此山

鬪鴨篇

春波漾群鳥戲鬪每堪翫宛轉迴翠吭雛褱振文翰
聲兼江雨喧影逐浦雲亂啞喋隊初交紛披勢將散
持敵忽同沉呼儔更相喚時陳水檻側或聚湖亭畔
長鳴若賈勇遠奮如追竄荷葉觸俱翻菱絲罥齊斷

魚駭沒中流鷗鷺起前岬心踰隴雉驕氣壓塲鷄悍
海客朝自驅溪娃晚猶看稍欲礙行舟渾忘避流彈
苦爭應為食幸勝非因筭微鳥昧全軀臨川獨成嘆

言公井

寥寥武城宰遺井虞山陰千載汲未竭九仞功應深
孰園自可灌道源誰復尋絃歌聽已歇瓶綆看還沉
無為滌弗食惻惻起嘆音一瓢樂未改庶幾回也心

吊幽獨君

君本何代人姓名復為誰何年棄人間長眠此山陲
荆榛鬱蒙龍孤墳上無碑游竟久未化哽咽還能詩
人歿乃歸滅憂樂豈復知君何獨煩寃猶有親愛思

一死衆所同已矣焉足悲陳辭為相吊此理君當推

靈岩寺響屨廊

君王厭絲竹鳴屨時清耳獨步六宮春香塵不曾起
那知未旋踵麋鹿遊遺址響沉明朝跡泯荒苔裏
此夕意誰過空廊有僧履

陪臨川公遊天池三十韻

群山瞰笠澤勝覽兼曠奧曩襄遊務窮蒐甲乙誌曾到
茲峯竄雷奇獨失有遺懊我公仙署居休沐偶得告
林壑軫遠情招携逝同造出郭縱鞍輿入谷屏牙轟
時當寒冬晨嵐霧恣披冒幽々霜泉微卷々風葉燥
尋溪見人煙問嶺知佛號意行恐迷互遠托樵子導

居僧作蠻音揖杖喜迎勞客來豈先知定有山鬼報
始至已愜心塵念為除掃壁穹冠玄雲池古貯清涼
長松挂其顛美竹蔭其奧浮暉蕩空明萬影鏡中倒
磷砉江頭石突起類爭暴緬懷融結初天巧亦多耗
探深識後返升險戒前燥遠梅苦相邀飛雪糝衣帽
谷爰晚應氤澗鳥寒不噪欲歸更留憇禪榻近茶竈
詩歌翫桂篇琴奏倚蘭操我起前壽公樂哉此高蹈
及春幸重來芹藻應可芼何須效公羊登峴發嗟悼
在事舟陸行有力孰比真富貴不可徵盍亦從所好
斯理苟未宜山水解相傲微言倘或然勿為俗士道
夜飲余左司宅得細字

春會非有期春愁本無際焉知君子堂此夕相與詣
燈銷月窺欄角警霜委砌舞影伶鶴長吟聲咲蠅細
隣鷄易催旦共歡休復寐喪亂得茲歡疇云匪良計

劉凝之騎牛畜

夫子初亦仕絃歌穎之湄園廬忽在念解綬言歸期
方春養孤犢既耕亦以騎春風草茫茫出遊徧山陂
田家有美酒輒醉不復疑當昔天聖間實彌休明時
豈無理人術終思塵鞅廢嗟今屬喪亂懷策競欲施
清芬遠莫挹載誦廬山詩

贈兕醫吳氏昆季

洗菊夜潭月斲苓秋塢雲偶因念瘍者來此市人群

問術或禽戲觀書皆鳥文誰知仙籍裏元有兩吳君
京口張氏在壽堂

天與下民壽各有百歲期行年不能滿人自傷折之
鷄鳴晨闕開衆車起交馳茫茫欲海中神位那能知
醜鮮薦長壽妖妍貯深帷白日未及終紅英忽先萎
春風北邙原青草塚纍纍借問其下人得老還與誰
翁家鶴溪陽先朝業書詩一門四葉來俱聞享期頤
世壽何獨能世德尤不虧翁今眉生毫益以道自怡
浮雲等飛烟昏旦從變移不燕華池漿寧食古栢脂
登觀息內想心閑自難衰一床坐松陰風巾夕披
垂魚立侍側亦有白髮兒嗟我生甚晚况復值亂離

故老不復親猶及翁在茲願言拜堂下聽說承平時

剡原九曲

其一

欲知溪流長百轉未越嶠舟行安能極嵐路入斜照
清景不足娛昔人豈辭詔石硯久誰磨空林閉遺廟

其二

殿中初未仕高節振衰謝讀書在茲丘蕭然竹間舍
王耒有深言留宿山水夜誰云南陽翁獨枉將軍駕

其三

山折水暫旋山開水仍往東陂匯初成秋色泐然廣
碧蘿老葺月映石壁上何時試沿洄一理煙中舫

其四

密篠覆碕岸石穴黝而深居人負薪歸駐聽風水音
回看蓮花峰靄々生夕陰不有僧鍾未高路誰能尋
其五

石洞篝火入石室敷床居白雲開層巔上有丹霞書
神仙不遠人但使粗穢除何必瀛洲外茫々問飈車

其六

危梁渡清瀨逶迤入前渚犬鳴樹蒙籠煙景暗墟聚
雨中耕叟歌月下歸人語欲尋仙尉踪淒涼一茅宇

其七

清暉汎悠悠東與班溪合菱葉間荷花風未秋颯々

其八

久行愁寐寔忽有人煙襍我欲裝棹謳漁郎肯々々
俗駕不可到有地嶼中小迴々別澗通窅々連崗繞
人家林谷暗不見旭光曉東作起炊藜惟應候啼鳥

其九

入江水稍決霜降未可涉頗聞往來人出門即舟楫
前飛鷺鷥遠下飲垂猿捷何處問興公風吹赤棠葉
詠殘燈

凝寒結重暈逼曙零孤朶膏空逐漏水焰在同爐火
戀影未成眠更就餘光坐

驅瘡

我生東海壻氣濕素善支方景忽遘疴未旬愧消羸
俄頃水火爭寒水繼炎熾楚續南謝挾齊紕透尋持
戟如恐墜陷况若當遭炊向夕勢漸消臨風與清池
既去謂遂息明午復如期俯仰天地寬無地竄眇軀
思我到貧病由是生焚啗豈伊水帝子遺威肆相欺
會當濯滯昏靈藥雜進施里閭習巫風傑鼠勸襍驅
韓子盖有託惟能辨其詩

春日言懷二首

朝臨高臺上俯視崇岡下春暉何悠悠清川自東瀉
陽和發卉物時澤均播洒如何及芳辰蕭條但空野
願言釋拘局登車聘吾馬曠途不見人憂心何由寫
興謝固其常吾將尤誰者
芳樹何靡々鳴禽亦喈々時物豈不好人事誠多乖
憂來卧閑房語笑孰與偕天道諒不昧薄顏終能諧
惟當守貞靜有酒陶中懷

雙晚節堂

人生百年壽六十未為晚胡為鑿玄扃結亭此山
阪周圍松櫟高可翫不可挽日莫春雨晴黃鳥啼
曉院東家鶴髮翁方置萬金產貽謀非不佳竟為
識者堯君能超物理生死若往返一咲步松陰青
山在吾眼

與客携樂遊寶積山遂泛石湖

雲山擁春郭，烟花漲晴川。看花入山中，諸峰恣攀緣。
客吹玉管笙，合以金柱絃。清陰度碧嶂，松風助冷然。
宛若鸞鳳吟，要眇入紫烟。行人盡矯首，嚮遏雲中仙。
下山興未闌，相携更登舡。舡虹收嶺外，雨鳥沒湖中天。
嵐翠破夕陽，樓閣影倒懸。酒傾綠脂膩，鱸斫瓊絲鮮。
獨恨無紅粧，清波寫嬋娟。微風吹帆緩，欲使歸途延。
衆賓起歡呼，舡返水漫舷。回櫓掠寺過，揚柳山門前。
此地有離宮，美人艷當年。羅裙罷春舞，草色餘芊綿。
况我昔此遊，冠蓋十里連。重来復誰在，新知滿中筵。
人事既若斯，今古俱可憐。能遊即稱達，何須問愚賢。
我欲叫馮夷，捧月出海邊。醉後不歸去，相照舡中眠。

謝陳卿惠冠

佳木產異域，質理密且堅。斲為野夫冠，我然着我顛。
故人遠貽贈，皎若瓊瑰鮮。覽鏡見雅宜，鄙姿忽成妍。
持報乏金玉，殷勤在斯篇。

獨步登西丘

幽卧意不適，出門聊獨行。惻々田野中，斜徑多不平。
逶迤登遠丘，迢迢望高城。風交二麥動，烟迥孤花明。
偶逢植杖翁，疑是古耦耕。欲問恐相誚，歸來悵中情。

茅氏高節樓

海上有高樓，朱甍煥晨光。清風自遠至，吹動羅衣裳。
樓中單棲人，憂思起彷徨。良匹已久歿，自誓不再行。

欲取哀琴彈仰見孤鴻翔孤鴻去何極撫景空歎息
感傷嬋娟容思作憔悴色憔悴非一時黃泉以為期
含情不能道聊詠兩髦詩

閑理篋中得諸友詩存歿感懷悵然成詠

得理亂帙中乃得故友篇顏色見遺翰瓊華尚清妍
憶昨遊名都結交此群賢日枉貽贈詞情文藹相宣
俛仰未十周飄零若雲烟生者應白首死者俱黃泉
屈指俱別離羈愁獨江邊舊懷誰能識洒涕東風前

柳絮

輕盈易飄泊思逐春雲亂已拂武昌門還縈灞陵岸
沙頭雀啄墮水面魚吹散官樹曉茫茫哀歌腸欲斷

徐博士愛日堂

矐靈趣頽運忽去不待人壯者亦恐衰况乃頭白親
心長景苦短何由盡歡忻當朝憲遂夕在夜俄驚晨
無繩繫飛鳥使之少逡巡置酒上高堂為樂且及辰
此日誠可惜此意良難伸安得延年術為親保長春

會衍師見贈

衍師本儒生眉骨甚踈峭軒然出人群快若擊霜鷄
早嘗垂長紳挾冊誦周邵欲陳興壞端往應乞言詔
軋網會中頽四海起攘剽仰頭望天肩氛侵匡義矐
藩邦日尋兵纏玉罷朝頽木顛豈繩維長往遂淪耀
披緇別家人欲挽首屢掉超哉休遠徒高躅願追紹

初來北城利駐錫問宗要相逢共宵哦篝火樹間照
篇成出叩鉢鋒疾驚楚僊我或勸之冠不荅但長咲
留連忽中離名山赴佳名頗知此行樂夙志酬應馳
吳峰載襍登楚水投文弔江秋雨鳴瀨海曙霞發嶠
靈竒務窮蒐不憚躡遐徼東歸始安禪幽谷斬蓬藿
坐敷雲中衾薛屋一澗縹前年逐戎旃野出事田獠
是時陰飈作山黑捲狂燒不畏猛雨過車宿傍楓廟
聞師隔烟嶺無寐聽猿叫晨具雪滿壑衣濕寒未燎
空林斷樵踪兀々見耒轆相邀至岩扉杉竹穿窳篠
深房煮山藥乳菜餲鼠鉗頓釋行旅頽瓢綠欣飲醪
促還不能淹喧寐歎殊調邇來竟何成三十匪年少

恨無閑弧力結束從嫖姚開坊借書披危坐似持釣
行憂金見奪謁恐冠遭溺逢人或談時澁縮刀在鞘
軍聲五月急市閤無賤糶壯氣漸欲磨妻孥困纏繞
堂筵賓履踈暑夕行憎懼師來贈長句有譽無鄙誚
組章眩芴勇金奏聆要眇據梧起豪誦心疾渾可療
回顧平生吟真咽蚯蚓竅上天宰玄化亂治方叵料
性命如窮鱗倘獲脫曾繫卜屈計已決不待龜灼焦
過湖就稻蟹靜處容不肖安能效群女倚市闌妍妙
泳風或鳴橈耕月還荷篠師當重見尋東臯一舒嘯

謝周架閣移送菊花

抄秋始授衣我歸規南園荒迳久廢鉏舊菊今不蕃

節臨之采翫何
憂煩東隣幸分致離之擢深根
幽馥辭別圃佳色羅前軒愧無樹灌勞獲此英翹繁
日出寒意祛孤蝶來飛翻我亦愛其芳繞葦咏微言
安得与君子飲泛同一樽霜露惧造殞歲晏空籬藩

早過南湖

湖黑月未出蕪葭露凄凄榜人識浦溆不畏荒煙迷
殘夢詎可續舟搖櫓聲齊開篷望天邊斗柄插水低
津遥未見樹村近繞聞鷄自嗟遠遊人中宵走東西
不如沙頭鴈宛頸猶安棲

送蕭隱君自旬曲經吳歸維揚

適從江東來復作江北去來去逐江雲蕭蕭舊巾屨

身帶煙蘿雨初下大茅峯孤帆拂楚樹遙聽廣陵鍾
去家忽來歸怜君似黃鶴日暮渺相思淮南桂花落

蘇州府志卷之五

國

古今圖書集成卷五

十八

卷一